

## Saksprotokoll i hovudutval for næring - 10.12.2021

**Anne Gine Hestetun (A)** stilte spørsmål kring eiga habilitet, då ho er styremedlem i BKK. Hestetun gjekk få under spørsmålet om ho var inhabil. Hovudutval for næring vedtok samrøystes at Hestetun var inhabil etter fvl. § 6 fyrste ledd bokstav e nr. 2. Hestetun gjekk frå under behandlinga av saka. Det var 14 representantar til stades.

**Eirik Haga (A)** stilte spørsmål kring eigen habilitet, då han medverkar til administrativ behandling i ei sak i Vaksdal kommune med same saksforhold. Haga gjekk frå under spørsmålet om han var inhabil. Hovudutval for næring vedtok samrøystes at Haga var habil. Haga tiltredde saksbehandlinga.

**Noralv Distad (H)** sette fram slikt forslag:

«Alternativ innleiing punkt 1

Vestland fylkeskommune ber NVE vektleggje fråsegna frå kommunar, grunneigarar og organisasjonar som er råka av utbygginga. Tiltak for å nå miljømål må vegast opp mot konsekvensane for kraftproduksjon. Det vert difor lagt til grunn at NVE gjer grundige kost-nytte vurderingar av framlegg til tiltak. Vestland fylkeskommune føreslår.....»

**Terje Søviknes (FrP)** sette fram slikt forslag:

«Alternativ punkt 1

1. Vestland fylkeskommune rår til følgjande tiltak i vassdraget:

NVE må vektleggje fråsegna frå kommunane, grunneigarlag og organisasjonar som er råka av reguleringa. Dette omfattar:

- a) Det må gjerast tiltak som hindrar smolten i å fylgje vasstraumen inn til kraftverka.
- b) Det må sleppast minstevassføring heile året frå Holmura til Hellandsfossen av omsyn til fiskevandringa.
- c) Fisketrappa må vere open heile året for å sikre ei trygg nedvandring for fisken.
- d) Det må gjerast førebyggjande tiltak for å hindre fisk på vandring opp elva i å bli ståande i kraftverksutlaupet.
- e) Tiltak må gjerast for å hindre tørrlegging av elvestrekninga Helland - Mo.
- f) Det bør gjerast tiltak i elva for å hindre sedimentering av elvebotnen og tiltaka bør ha ein viss frekvens.
- g) Det bør setjast i gong kultiveringstiltak for å ivareta sjøaurestamma i vassdraget.
- h) Det bør gjerast tiltak for å hindre spreiding av artar mellom vassdrag. Overvaking og tiltak for å fjerne ikkje-tilhøyrande artar bør prioriterast.
- i) Modalen kommune ynskjer at temperaturen i Modalsvassdraget skal følgje dei naturlege svingingane gjennom året. I dag kjem kaldt vatn frå botnen av Stølsvatnet som gjer at vatnet i elva er kaldt om sommaren og varmt om vinteren. Tiltak må gjerast for å utbetre dette.
  - Regulanten må påleggjast å jamleg utføra klipping og fresing av tilgrodde stader stader i elva.
  - Regulanten må etter behov ta ansvaret for å fjerna unaturleg oppsamling av mudder og slam oppstått i samband med reguleringa.
  - Det må lagast ein plan for kantvegetasjon, kantrydding og visuell oppleving av vassdraget og fossane.
  - Det må lagast ein terskelplan der alle gjeldande tersklar, nye tersklar steingrupper og andre tiltak vert vurdert etter funksjon og behov.
  - Det må gjerast målingar i vassdraga for å kartleggje kvar gassovermetting er eit problem og vidare iverksett tiltak for å unngå gassovermetting.»
  - Ein må gjera tiltak for å få fisketrappa i Hellandsfossen til å fungera slik at ein får laks heilt opp til Steinslandsvatnet slik ein har forutsett med kalking av elva og reetablering av laksestamma.

**Kine Bratli Dale (A)** sette på vegne av A, MDG, Sp, SV, V og KrF fram slikt forslag:

« Tillegg:

- Administrasjonen søker NVE om utsett uttalefrist slik at FUV kan vedta sin høyringsuttale i sitt møte 9.februar 2022. (Etter at kommunestyra i vertskommunane har vedtatt sine høyringsuttalar innan 01.02.2022).
- Administrasjonen ber vertskommunane om å få tilsendt innstillingane frå formannskapa/planutvala til kommunestyra. Desse vert referert i HU for næring 13.januar 2022.»

### **Avrøysting**

Søviknes sitt forslag fekk 6 røyster (FrP, H, U) og fall.

Innstillinga vart vedteke mot 6 røyster (FrP, H, U).

Distad sitt forslag vart samrøystes vedteke.

Dale sitt forslag vart samrøystes vedteke.

### **Innstilling**

1. Vestland fylkeskommune rår til følgjande tiltak i vassdraget:

NVE må vektleggje fråsegna frå kommunane, grunneigarlag og organisasjonar som er råka av reguleringa. Dette omfattar:

- a) Det må gjerast tiltak som hindrar smolten i å fylgje vasstraumen inn til kraftverka.
  - b) Det må sleppast minstevassføring heile året frå Holmura til Hellandsfossen av omsyn til fiskevandringa.
  - c) Fisketrappa må vere open heile året for å sikre ei trygg nedvandring for fisken.
  - d) Det må gjerast førebyggjande tiltak for å hindre fisk på vandring opp elva i å bli ståande i kraftverksutlaupet.
  - e) Tiltak må gjerast for å hindre tørrlegging av elvestrekninga Helland - Mo.
  - f) Det bør gjerast tiltak i elva for å hindre sedimentering av elvebotnen og tiltaka bør ha ein viss frekvens.
  - g) Det bør setjast i gong kultiveringstiltak for å ivareta sjøaurestamma i vassdraget.
  - h) Det bør gjerast tiltak for å hindre spreining av artar mellom vassdrag. Overvaking og tiltak for å fjerne ikkje-tilhøyrande artar bør prioriterast.
  - i) Modalen kommune ynskjer at temperaturen i Modalsvassdraget skal følgje dei naturlege svingingane gjennom året. I dag kjem kaldt vatn frå botnen av Stølsvatnet som gjer at vatnet i elva er kaldt om sommaren og varmt om vinteren. Tiltak må gjerast for å utbetre dette.
    - Regulanten må påleggjast å jamleg utføra klipping og fresing av tilgrodde stader i elva.
    - Regulanten må etter behov ta ansvaret for å fjerna unaturleg oppsamling av mudder og slam oppstått i samband med reguleringa.
    - Det må lagast ein plan for kantvegetasjon, kantrydding og visuell oppleving av vassdraget og fossane.
    - Det må lagast ein terskelplan der alle gjeldande tersklar, nye tersklar steingrupper og andre tiltak vert vurdert etter funksjon og behov.
    - Det må gjerast målingar i vassdraga for å kartleggje kvar gassovermetting er eit problem og vidare iverksett tiltak for å unngå gassovermetting.
    - Ein må gjera tiltak for å få fisketrappa i Hellandsfossen til å fungera slik at ein får laks heilt opp til Steinslandsvatnet slik ein har forutsett med kalking av elva og reetablering av laksestamma.
2. Vestland fylkeskommune ber NVE stille krav om at det vert gjort ei kulturminneregistrering i revisjonsområdet. Ei slik registrering vil omfatta kulturminne på land og kulturminne som er neddemt/under vatn.
3. Vestland fylkeskommune ber om at laksetrappa og mest mogeleg av det teknisk-industrielle kulturmiljøet knytt til Hellandsfossen vert bevart, og følgt opp konstruktivt i konsesjonsvurderinga til NVE.
4. Vestland fylkeskommune ber om at NVE legg til rette for vidare dialog mellom konsesjonshavar og kulturminnemynda for å få avklart kulturminneverdiane i konsesjonsområdet.
5. Vi ber om at nye vilkår ikkje er eit hinder for at regulanten kan drive flaumdemping gjennom aktiv regulering før og under store tilsigsepisodar.

6. Krav om vedlikehold og offentlig bruk av anleggsvegar i fjellet må vidareførast så langt dette ikkje er i konflikt med omsynet til villreinen. Tida vegane brøytast og er tilgjengelege må sjåast i samanheng med villreinen sin bruk av dei ulike områda. Ev. stenging må skje gjennom adaptiv forvaltning der veg kan stengast med bom ved avgjerande periodar for aktiviteten til villreinen. Vegen skal likevel vedlikehaldast.

7. Administrasjonen søker NVE om utsett uttalefrist slik at FUV kan vedta sin høyringsuttale i sitt møte 9.februar 2022. (Etter at kommunestyra i vertskommunane har vedtatt sine høyringsuttalar innan 01.02.2022).

8. Administrasjonen ber vertskommunane om å få tilsendt innstillingane frå formannskapa/planutvala til kommunestyra. Desse vert referert i HU for næring 13.januar 2022